

府。連夜備文。解交熱河都統懲辦。人心略靜。

山東路礦述聞

煙·濰·鐵·路。煙·濰·鐵·路。本與膠濟鐵路。大有關係。亦於青島商業。不無影響。現在德人要求合辦煙濰路線。否則即將高密一路。不讓中國修築。

又聞孫撫之意。以煙臺為北洋之總樞紐。外人注意。已非朝夕。其先草辦蠶絲各莊。已半為青島所奪。今則油坊磨坊。亦有浸浸赴大連之勢。若再遷延。不亟敷設。更恐藉口運輸不便。起而攬我路權。此後主權。恐將復非我有。聞已商郵傳部。請派呂尙書海寰。先招商股若干。登萊是其桑梓。登高一呼。撥款合辦。自必認股較易。然後再輔以官力。庶幾衆擎易舉云云。尙未知德人能不干涉否也。

沂·水·金·礦。魯省五礦案內。沂水其一也。去年中德交涉。魯人死力抵抗。孫撫終排衆議。用三十四萬兩贖回。然贖回之地。惟茅山廢礦。派王斧頭接辦。其餘四處仍棄利於地。日前濟垣紳商會議此事。僉謂贖回不辦。與不贖相等。

記載第三 中國時事彙錄

何苦虛擲此三十四萬之膏血。然四處同時并舉。又為財力所絀。莫若派熟悉礦務之人。分赴調查。擇其礦苗尤旺者。先行開採。俟辦有成效。再次第舉辦。現據調查員返省報告。沂水小梁水長莊小安莊落葉溝紅石橋石浪頭溝一帶。東西寬二里餘。南北長六里餘。土含沙質。金沙雜於其間。礦苗極旺。衆遂決議招集股份。先開採沂水金礦。乃孫中丞亦聞該處金礦極富。日前特札飭勸業道。派員前往調查。該員覆稱。與紳商調查者相同。擬趁紳商先辦。特恐延宕無期。遂片奏該處歸官辦理。紳商各界聞之。擬出而相爭。後由某紳阻止。謂我等不必與官場反對。只願招股。倘將股份集足。官辦其一。我辦其三。未為不可。何必官商各存意見。衆從之。現已決議。沂水金礦。由官辦理矣。

浙鹽改售洋碼續記

浙鹽改售洋碼一案。已詳前志。江督張人駿。蘇撫程德全。續又致電鹽政處。商酌變通之辦法。其文如下。德全到任後。遂加訪察。浙商虧累之由。因陡加新引七萬。

記載第三 中國時事彙錄

又報劾引本二十萬。非盡由銅元之害。蘇屬商會。昨已逕電鈞處。業荷電示殷殷。自應曲體維持。量其日用所需。勉力遵辦。然值此民窮財盡。負荷維艱。人駿昨據浙運司抄送此案原詳。洋碼以兌錢一千四百文計算。現在時價。每元僅兌錢一千三百十餘文上下。並無每元可兌錢一千四百文之說。若謂洋價迭騰。民間以洋元購買。鹽可多得。即極愚者亦知其無是事。茲浙運司已在蘇屬示諭。浙鹽改售洋碼。每斤須洋五分二釐。合錢七十文一斤。較之原售每斤五十八文。每斤實驟增十二文。為從來加鹽價之所無。蘇屬各州縣。祇靖江縣電蘇請示覆。以俟定案後飭遵。此外尚在相持。察看民情。如改售洋碼。或較原售酌增。較現售酌減。以免所增過鉅。此尚係德全曲為求全。逼而出此。萬一民情不順。陡起風潮。人駿與德全負咎在所不計。其如大局何。統希鈞核示遵。

安徽湖北水災記

安徽甯國府宣城縣水災。每較他邑為重。蓋當山洪漲發

一百九十

七月

時。徽甯諸水匯其東。涇太諸水湍其西。上年被水各圩。除淹沒不計外。三鄉共破二十餘圩。飢民困不得食。半吃草根。五月初旬。靈雨兩三日。山洪暴漲。初九初十兩日。東鄉上年沖決之二十餘圩。一概沖決。西北鄉亦連破十餘圩。旋復連雨七八日。至二十四日午後。山洪復發。水勢排山倒海而來。東門城牆崩倒二十餘丈。各圩沖決。復以十數計。間有未破之圩。亦為大水平漫。登高一望。盡成澤國。傾倒房屋。漂流牲畜。不可以數計。

南陵縣五月上旬。大水為災。沖決下遊數十圩。并波及繁昌十五圩。茲聞前次大水。破落甚速。高處田禾。尚屬無恙。低處尚堪補種。晚禾所決之口。已次第堵塞。不意十八日起。至二十六日止。風雨交作。晝夜不休。上遊涇太。山洪又復暴發。水勢建瓴而下。高低田禾。重被淹沒。城內水深二尺。城廂一帶草房土牆。倒塌甚多。二十四日。北門白骨塔前城牆。亦崩倒四丈有餘。各圩新堵之口。因土質甚鬆。又衝決數處。二十餘萬圩田。眼見秋成無望。